

# تۆرك يوردى

ناشرى : تۆرك يوردى .

مدىرى : آق چورە اوغلى يوسف .

صافى ۱۵

۳۱ مایس ۱۳۲۸

یل ۱

# تورک یوردی

تورکلرک فائده سنه جالشیر      اون بش کونده بر جیقار

تورکلرک بویوک خاقانه ، تورک یوردی ، نک کوچوک  
بر ارمغانی

مایسک یکیرمنچی بازار کونی ، هیأت تحریریه من ، « تورک یوردی » نک  
آلتی آیلق نسخهلرینی بالواسطه حضور خلافتینامییه تقدیم ایله شرفیاب اولمشدر.  
قیمتلی وسوکیلی پادشاهمنز جلدهک صاریلی اولدینقی قوردهله نک اوستنده کی :  
« تورکلرک سوکیلی ، بویوک خاقانه تورک یوردینک بیک کوچوک بر  
ارمغانی . »

تقدمه تعظیمکاریسنی تنزلاً قرائت وجواباً :

« مؤسس دمحررلرینک تورکلرک دفعوع بولده خدمتلی شایانه تقدیردر .  
« کندهلرینی باخاصه نبریک دمجموعه بیده ممنوناً قبول ایدرم . بوانریک  
کوچوک دکل ، بالعکس تورک یوردینک بویوک بر ارمغاندر . »

کلمات هایونلریله هیأت تحریریه قوللرینی احیا بویورمشلردر .  
بوسوزلر، تورکلک تاریخنده پارلاق بر صحیفه تشکیل ایده جکدر. بوکون ،  
تورک ملیتی ایچون تاریخنی برکوندر .

شمعدییه قدر هیچ بر تورک ، خاقانک اوناغنه بزم کبی قوی ، بویوک  
برطویغو ؛ درین ، آتشی برعشق ایله وارمادی. هیچ برپادشاه، روحنک ،

کوکلنک اک طاتلی صمیمیتی بو کونکی کبی بوتون صافیتله ، بوتون کوزللیکله ،  
بوتون طبعیلکیله میدان قویمغه فرست بولامادی .

بوکون تورکلک ، آتیده یابه جنی کوکل کعبه سنک ، پاک ، مبارک خاقانی الیه  
ایلک تمل طاشنی قویدی . بو کوکل کعبه سی ، درسعادتنک اک کوزل ، اک  
صارصیلماز برمعبدی ، اک مقدس ، اک ابدی بر سیناسی اوله جقدر .

بوکون تورکلک ، خاقانیه روحاً ، معنأ ، فطرةً برلشمش برملت اولدیغنی  
کوستردی .

عالم اسلامک مبعجل خلیفه سی افندیملک جسد اعلا لری « قایا آلب » ک  
روحی بوتبشیر وتظامردن البته شاد اولمشدر .

دنیا نلک حکمدارلری ایکی بویوک ملتدن ، تورکلردن و آلمانلردن یقشمشلردر .  
آفریقاده کی تونسدن تا یمنه ، ایرانه ، هنده ، چینه ، قریمه ، افغانه ، بلوجه ،  
بخارایه وارینجیه قدر همان نصف جهان اولان شرق واقصای شرق  
بونجه عصرلردنبری حکمدارلری متین و نجیب اولان تورک قومندن  
کلشلردر . [۱]

« تورک یوردی » ، بو پادشاهلر ملتک سوکیلی ، بویوک خاقاننک دنیا دکرند  
تقدیرینه نائل اولدیغندن طولانی بحق افتخار ایدر . و آتیده کی موفقیتی ایچون ،  
بو مقدس التفاتی روحانی برتبشیر عدایله اسلاملرک مبارک خلیفه سی اولان  
تورکلرک قوتلو خاقاننک آیاغی توزینه شکرانی عرض ایله ر .

تعبیر هبائی

[۱] روسیه نلک ، انکلتره نلک ، آوستریانک ، ایتالیا نلک و سائر کوچوک حکومتلرک  
حکمدارلری آلمان نسلندندر ، آنجهی قره طاغ ایله صربستان قراللری اسلاو  
جنسندندر .